

Innuttaasunik kiffartuussinermi angusaqarnissamut isumaqatigiissut

1. januaari 2015-imiit 31. decembari 2018 ilanngullugu atuuttussaq

KNR-ip Naalackersuisullu

akornanni

tassani pineqarlutik

KNR-ip innuttaasunik kiffartuussisussaataitaanerata annertussusia imarisaalu

1. Aallaqqaasiut

Innuttaasunik sullissinermi angusaqarnissaq pillugu matumani isumaqatigiissummi siunertarineqarpoq KNR-ip innuttaasunik sullissinissamut pisussaaffiisa annertussusia aamma imarisaasa, "Radiokkut TV-kkullu aallakaatitsisarneq pillugu Inatsisartut Inatsisaat nr. 7, 8. juni 2014-imeersoq" (radioqarnermut TV-qarnermullu inatsit) tunngavigalugu tassani § 28, tak. § 57 malillugit sukumiinerusumik aalajangersaaffiginissaat. Taamaattumik taamatuttaaq isumaqatigiissut taaguuserneqarpoq "Innuttaasunik kiffartuussinermut isumaqatigiissut". Isumaqatigiissutitigit aalajangersaavigineqarput KNR-ip innuttaasunik tusagassiuuteqarnikkut kiffartuussisussaataitaaneranut tunngatillugu suut anguniassaneraa aammalu qanoq iliorluni ammasumik uppersussusilimmillu ingerlatsinermik isumannaarissinnaassanersoq. Illuatungeriit taamatut isumaqatigiissuteqarnermikkut kissaatigivaat KNR-ip aallakaatitassiortarnermini ineriartortitsiuassasoq, aammalu taamatut suliniuteqarnermini pisariillisaallunilu aallakaatitassiortarnermi pitsaasunik suliaqartarnissani anguniartuassagaa.

Angusaqarnissaq pillugu isumaqatigiissuteqarneq aamma isigineqassaaq KNR tassaamat suliffeqarfik pisortat pigisaat namminersortitut ingerlanneqartoq aammalu Naalackersuisut ulluinnarni ingerlatsinerisa ataani inissisimanngitsoq, tak. TV-radiokkullu inatsimmi § 30. Tamatuma kingunerivaa KNR-ip siulersuisuisa inatsisit atuuttut toqqammavigalugit aammalu isumaqatigiissut manna naapertorlugu ingerlatsiveqarfiup pilersaarusernerannut akisussaatinneqarnerat.

Inatsit atuuttoq mannalu isumaqatigiissut toqqammavigalugu siulersuisut nammi-neerlutik ingerlatsiveqarfimmut aningaasaliissutit namminerisamillu isertitat atorneqarnerisa aqunneqarnissaat akisussaaffigaat. Isumaqatigiissut tassaavoq Naalakkersuisut KNR-illu akornanni suleqatigiinnissamut toqqammaviususaaq.

Taamaallilluni isumaqatigiissummi aammattaaq siunertarineqarpoq sammisat qitiutinneqartussat aallaavigalugit aqutsinermut atorneqarnissaata saniatigut, isumaqatigiissummi sullissinissat taaneqartut illugiilluni oqaloqatigiinnikkut tunniunneqarnissaannik killiliussanik pilersitsineq.

KNR-ip ingerlanneqarnerata pisariillisaavigineqarnerata saniatigut Naalakkersuisut KNR-illu akornanni matuma isumaqatigiissutip imarisassai pillugit oqaloqatigiittarnerisa kingunerisaanik anguniarneqarpoq innuttaasunut aallakaatitassiortarnerni pitsaangorsaajuarnissaq tamatigoortunillu aallakaatitassiortarnissaq soorlu TV-kut radiokkullu nutaarsiassalerinerni, qaammarsaaniarnerni, ilinniartitsinerni, eqqumiit-suliornerni aliikkutassaqartitsisarnernilu anguniarneqartuartassasoq.

KNR-ip isiginiarnerorusuppai pitsaasutsimut tunngasut, tamatumani ilanngullugit aallakaatitassiat piareersarluarlugit isumagineqartarsinnaasarnissaat, tamatumani lu kalaallit oqaasii atorlugit aallakaatitsisarnissaq salliutinneqartariaqartoq. Tamatumani apeqqutaatinagu aallakaatitassiat KNR-ip nammineerluni imaluunniit kalaallinit aallakaatitassiortartunit allaneersunit suliarineqarsimanersut. Tamatuma saniatigut KNR-ip atorluarusuppaa KNR-ip nunatsinni radiokkut TV-kkullu aallakaatitassiortarnerni qitiusumik inissisimanini, taamannalu pissasoq sapinngisamik aallakaatitassiornissamut periarfissat atorluarneqarnerulernerisigut.

Tamatuma kingunerisaanik anguniarneqassaaq KNR2-p atorluarneqarnerulernissaa, taanna ullumikkut ilaatigut Inatsisartut ataatsimiinnerisa aallakaatinneqartarnerannut atorneqartarpoq.

KNR-ip maannangaaq misissuiffigivaa Kalaallit Nunaanni kommuneqarfinni kommunalbestyrelsit ataatsimiinnerisa aallakaatitassiarisalernissaat.

KNR-ip ilanngullugu misissuiffigissavaa aallakaatitsiviup ilinniartitaanermut samminik atorneqarnerulersinnaanissaa aammattaaq KNR-ip nammineerluni toqqorsivianiittunik aallakaatitsisarnissamut.

Isumaqatigiissummi taammaallaat ilaatinneqarput KNR-ip innuttaasunut kiffartuus-
sinissaanut tunngassut (tak. radioqarnermut TV-qarnermullu inatsimmi § 20 – 26)
taammaattumik KNR-ip aallakaatitassiortarneri aallat malittarisassiorneqanngillat
(tak. inatsimmi § 29, imm. 1) aamma KNR-imit ingerlatsinerit allat (tak. § 29, imm.
2).

Taakku saniatigut erseqqissaatigineqassaaq isumaqatigiissummi matumani pine-
qangimmata aallakaatitseqqiisarnerit, pilerisaarutit aammalu aallakaatitassiat aaq-
qissorneqarsimanngitsut (tak. inatsimmi § 28, imm. 4). Tamatuma saniatigut kisit-
sisitigut takussutissiisarnerit tamarmiusuni ilanngaatigineqarput aallakaatitassianik
saqqummiussisarnerit, nalunaarutit, qaammarsaaniutit, pinnguaatit, takussutissi-
aaqqat spotsit, aallakaatitassanut qilarnaartuutit aamma unillatsiarnerit.

Siusinnerusukkut isumaqatigiissut PS (2009-2012) aammalu 2014-imi aamma
AI2015-imi kisitsisit piviusunngortinneqarsimasut isumaqatigiissummi ineriartor-
titsinissamut naatsorsuutigisamut aallaavigineqarput.

Illuatungeriit nalilerpaat isumaqatigiissut manna KNR-imut qulakkeerutaassasoq
innuttaasunik tusagassiuuteqarnikkut sullissinissisaminik pisussaaffimminik naam-
massinninnissaanut aamma inuiaqatigiinnik sullissinermi ingerlatsineranut.

2. KNR-ip anguniagai aamma takorluugai

KNR-ip siulersuisuisa KNR-imut anguniakkat aamma takorluukkat aalajangersagai
makkuupput:

Anguniagai

KNR-ip anguniarpaa Kalaallit Nunaanni tamanut ataatsimoortumik katersuuffi-
unissani aammalu inuiaqatigiinnik kalaallinik ineriartortitsissalluni oqaluttuarisaa-
neq, kulturi, oqaatsit, naleqartitat kiisalu pissuserisat nalinginnaasut aallaavigalu-
git.

Takorluukkat

KNR imaaliusaaq:

- Kalaallit Nunaanni ataatsimoorfittut annerpaatut inissisimanini pitsanngor-sassavaa sapinngisamik susoqarfinni sullitat sumiiffinni najuuttarnermigut kiisalu uagut ataatsimut pisariaqartitavut aallaavigalugit.
- Inuiaqatigiinni naleqartitat aamma ileqqut nalinginnaasut atuuttut saqqum-miuttassallugit.
- Kalaallit Nunaanni ataatsimoorneq uppernarsassallugu susassaqatigiinnitsin-nik eqqaasitsisarnikkut.
- Qanilaassuseq sumiiffinnilu pissutsit ersersinniartassallugit.
- Ilinniartitsinikkut innuttaasut ilisimasaat annertusaavigissallugit.
- Kalaallit eqqumiitsuliortarnerat kulturiallu saqqummersitsisarnikkut siaruartis-sallugit.
- Kalaallit Nunaat pillugu tamatigoortumik apeqqusiinertalimillu nutaarsias-satigut allatigullu pisoqarneranit saqqummiivigisassallugit.
- Tamatigoortumik kalaaliussusermik tunngaveqartumik aliikkusersuisassal-luni.

3. Siammarterisarneq

KNR-ip innuttaasunik sullissinermi imarisai aallakaatillugit tamanut pissarsiarine-qarsinnaatissavai radiokkut aamma TV-ikkut aallakaatitassiortarnermigut. Tamak-ku saniatigut KNR-ip suliassa qarfiinut ilaapput tekst tv aamma internet aqqu tigalugit ingerlatsinerit.

Ullumikkut KNR-ip innuttaasunik sullissinini makku aqqu tigalugit ingerlattarpaa:

- TV-kut kanaliit marluk tassaasut KNR1 aamma KNR2, taakku DVB-T-itut nalunaarasuaatikkut sakkortusaaviit aamma satellit aqqu tigalugit siam-marterneqarput.
- Radio kanali FM ataaseq nalunaarasuaatikkut sakkortusaaviit aamma satellit aqqu tigalugit DVB-T-itut.
- Mellembølgikkut kanali ataaseq (AM, Amplitude Modulation).
- Kortbølge atorlugu aallakaatitsissut 3815 kHz-kkut Tunumi avataasiorlutik aalisartunut.
- Nittartakkakkut KNR.gl.
- KNR1 aamma KNR2 tekst-TV-imi nutaarsiassat aamma paasissutissat.

- Inuit akornanni attaveqaatitigut, soorlu Facebook.com/KNR nutaarsiassat il.il.
- TV-ikkut aallakaatitassiat pingasut videonik ingerlatitseqqiisarfik YouTube aqqutigalugu
- YouTube.com/knrgreenland, youtube.com/nutaarsiassat aammattaaq youtube.com/meeqqanut.
- Electronic Programme Guide (EPG). Aallakaatitassiat nalunaarsorneqarnerat aamma aallakaatitassianik eqqartuinerit: Kalaallisut KNR1 EPG-imi kiisalu danskisut KNR2 EPG-imi.

4. Aningaasalersorneqarneq

Radioqarnermut TV-qarnermullu inatsimmi § 36 naapertorlugu KNR-ip ingerlanneqarnera nunatta karsianit tapiissuteqarnikkut, pilerisaarutitigut, tapersersuilluni aningaasaliissuteqartitsinikkut aallakaatitassiornikkut aammalu ingerlatsinerni allani isertitaqartarnikkut aningaasalersorneqartussaavoq.

Illuatungeriit kissaatigivaat KNR-ip ilungersuullugu allaffissornermi aningaasartuutini annikillisaanissaq aalajangiusimasassagaa aallakaatitassiortarnissamut aamma nammineq aallakaatitassianik aallakaatitsisarnissamut kiisalu kalaallisut aallakaatitassianut allanut iluaqutaasussamik.

KNR-ip piffissami angusaqarnissaq pillugu isumaqatigiissuteqarfiusumi aningaasaliiffigineqartarnera matuma kinguliani tabeli 1-imi takuneqarsinnaavoq, tassani kisitsisit 2014-imeersut tassaalutik naatsorsuutitigut angusarineqarsimasut. Kisitsisinut 2015-imut aamma 2016-imut tunngavigineqarput. Aningaasanut Inatsit ukiunullu tulliuuttunut ukiunut missingersuusiorfiusunut naatsorsuutigineqartuullutik.

Ukiumoortumik isertitat (t.kr.)	2014-imi piviusut	2015-imi piviusut	FL 2016 (mio.)	S 2017 (mio.)	S 2018 (mio.)
Landskarsimit aningaasaliissutit	70.779	68.077	67.579	67.6	66.4
Isertitat allat	4.0.74	5.067	5.1	5.1	5.1
Isertitat katillugit	74.853	73.144	72.679	72.7	71.5

Tabeli 1. KNR-ip 2014-imi aamma 2015-imi isertitai piviusunngortitat, aamma AI 2016-imi missingersuutit, kiisalu ukiunut missingersuusiorfiusunut (2017-2018).

Malugiuk 2014-imut tunngatillugu aningaasaliissutit immikkut qaffasinnerusimanagerannut pissutaavoq Issortarfimmi inissisimaffinnut nutaanut nuussimaneq taamatullu Inatsisartunut qinersisoqarsimanera. Qinersisarnernut aningaasartuutaasartut nalinginnaasumik aningaasaliissutit iluannit isumagineqartaraluarput, kisianni 2014-imi qinersineq nalunaarutigineqarpoq qinersinerup kingulliup ukiuata tulliani, tamatumalu nassatarisaanik immikkut aningaasaliisoqartariaqarsimalluni.

Ilanngullugu maluginiaqquneqassaaq 2015-imut Aningaasanut Inatsimmi aningaasaliissutit 400.000 kr.-inik 2016-imullu 700.000 kr.-inik ilanngaavigineqarsimammata.

Matumani maluginiaqquneqassaaq Nunatta Karsianit aningaasaliissutit 2018-imi appariaallattussaassasut takuneqarsinnaammat. Tamatumunnga pissutaavoq KNR taamanikkussamut namminerisaminik inissisimaffeqalertussaassammat, taamaattumillu inissisimaffigisamut ukiumut attartornermut 1,2 mio.kr.-inik sipaaruteqartalernissaa naatsorsuutigineqarluni.

Ataani tabeli 2-mi takuneqarsinnaavoq KNR-ip ilanngaaseereerluni akissarsianut aamma ingerlatsinerup sinneranut 2014-imi aammattaaq 2015-imi aningaasartuutigisai kiisalu ukiuni missingersuusiorfiusuni - nalunaarsukkat 1.000 kr.-nngugaapput.

Ukiunut aningaasartuutit	2014-mi angusat	2015	2016	2017	2018
Akissarsiat	43.803	51.451	46	46	46
Ilinniaqqinnernut aningaasartuutit	743	1.165	1.5	1.5	1.5
Aningaasartuutit allat	28.733	19.876	24	24	22,8
Aningaasartuutit katill.	73.279	72.492	71,5	71,5	70,3

Tabeli 2. KNR-ip 2014-imi, 2015-imi, 2016-imi ilanngaaseereerluni aningaasarsianut aamma ingerlatsinerup sinneranut aningaasartuutai, kiisalu ukiunut missingersuusiorfiusunut (2016-2018), 1.000 koruuninngorlugu nalunaarsukkat.

KNR-ip naatsorsuutigivaa sapingisaaq naapertorlugu akissarsianut aningaasartuutit appasitsinniarnissaat, aallakaatitassiat avataanit pisarineqarsinnaasut anertunerpaaffissaminniitsinniarneqarnissaat pingaarnersiuiinermi ilaatiinnartikkumallugu. Tamatuma saniatigut KNR aningaasartuuteqartarnermini pingaarnersiuiinarpoq, ilanngullugu ilinniartitseqqinnernut aningaasartuutit.

KNR-ip TV-kut aallakaatitsisarnermini atortorissaarutai (TV-platform) qanganit-sersimasorujussuupput. Tamannalu pissutaalluni KNR annaasaqartarpoq, soorlu assersuutigalugu ilaatigut KNR-ip nutaarsiassanut toqqorsivini tamakkerlugu annaasimavaa qamittoornermik/ajutoornermi pissuteqartumik. Tamakku saniatigut atortorissaarutininut pisoqalisunut kingoraartissat pisariaqartinneqartut pisarsiarinissaat ajornarsiatuinnavippoq.

Naatsorsuutigineqartariaqarpoq maannakkut TV-kkut aallakaatitassiorarnermi tunngaviusumi atortorissaarutininik aserfallatsaaliuinermit aningaasartuutit anertuumik qaffakkiartuinnarnissaat.

Ukiut ingerlaneranni pisinissamut pisariaqartitsinerup KNR-ip nammassinnaasaanit anertunerusumit ineriartorsimanerata kingunerisaanik 2016-imi aserfallatsaaliinermit teknikkikkullu atortorissaarutininut nutarterinermit naammattunik aningaasaliissuteqartoqanngilaq, taamaattumillu ajornatorsiummut aaqqiissutaasinnaasunik Naalakkersuisoqarfimmi ujartuisoqarluni.

Atortorissaarutininut nutaanik pisinermut taarsiullugu attartorsinnaaneq periarfissaasinnaavoq.

Aammattaaq 2016-imi suliniutigineqarpoq KNR-ip nutaanik inissaqalernissaa maannakkut inigineqarallartunut taarsiullugu.

5. Radiokkut TV-kkullu ukiumut aallakaatitassiortarnerni piffissami pineqartumi sivikinnerpaaffiliineq

KNR-ip imminut pisussaaffilerpoq aallakaatitassiortarnermini sivikinnerpaaffimmiittitsinissani, taakku matuma kinguliani tabeli 3-mi nassuiaassutigineqarput. Maluginiaqquneqarpoq kisitsisitigut takuneqarsinnaammat siunertarineqartoq aallaakatitassiat amerlassusiannut sanilliullugu pitsaassusiat pingaarnerutinni-arneqartassasoq. Tamatumani aallaavigineqarpoq aallakaatitassiortarnerni pisariillisaanissaq.

Ingerlatsinermi kisitsisit nal. akunneri	I2014	I2015	T2016	T2017	T2018
5.1. Allat aallakaatitassiaannik aallakaatitassiornerit: 1)					
Radio	81	84	70	70	70
TV	84	140	105	105	105
5.2. KNR-ip nammineq aallakaatitassiat katillugit 2)					
Radio	2.247	2.278	2.200	2.225	2.250
TV	567	732	700	710	720
5.3. Nunatsinni aallakaats. katill. (immikkoortitikkat) 3)					
Radio					
a) Meeqqanut inuusuttunullu 4)	175	151	150	150	155
b) Eqqumiitsuliornerit kulturilu	1.101	1.062	1.030	1.030	1.050
c) Timersorneq	-	103	100	110	110
d) Nutaarsiassanut tunngasut	1.029	1.008	960	975	975
e) llinniartitsinerit	5	24	20	20	20
f) Peqqissutsimut	18	9	10	10	10
g) Danskisut aallakaatitassiat (allamiulluunniit oqaasii atorl.) 4)	-	327	300	310	320
Katillugit	2.328	2.357	2.270	2.295	2.320
TV					
a) Meeqqanut inuusuttunullu	240	254	230	230	235
b) Eqqumiitsuliorneq kulturilu	79	111	110	115	115
c) Timersorneq	-	114	110	115	115
d) Nutaarsiassanut tunngasut	329	232	230	230	235
e) llinniartitsinerit	0	22	20	20	20
f) Peqqissutsimut	3	12	9	9	9
g) Danskisut aallakaatitassiat (imaluunniit allamiut oqaasii atorl.) 5)	-	22	17	17	17
h) Danskisut oqaasertalersukkat (imal. allamiut oqaasii atorl.) 6)	0	106	80	80	80
Katillugit	651	873	805	815	825
Katillugit (radio TV-lu)	2.979	3.230	3.075	3.110	3.145
5.4. Radio katill. (ulloq unnuarlu) 7)		8.640	8.640	8.640	8.640
5.5. TV-kut katillugit 7)		5.412	4.059	4.059	4.059

Takuss. 3. Ukiuni 2014 – 2018-illu akomanni nal.ak. aallakaatitassiarisassat sivikinnerpaaffissaat.

- 1) Nunatsinni radio/TV-qarfinnit – peqatigiiffinnit il.il. pisiat
- 2) KNR-ip nammineerluni aallakaatitassiat katillugit
- 3) Nunatsinni aallakaatitassiat (KNR-ip avataanni kalaallisut aallakaatitassiat + KNR-ip nammineq aallakaatitassiat).
- 4) Assersuutigalugu danskisut radioaviisit, silassaq tuluttoorlugu il.il.
- 5) Assersuutigalugu danskisut aallakaatinneqartartoq Qulaarpaa.
- 6) Assersuutigalugu Qanorooq qallunaatut oqaasertalersugaq.
- 7) Aallakaatitassiat tamarnik pineqarput (aallakaateqqitat, aallakaatitassiat nunanit allaneersut il.il.).

5.1) Avataaniit kalaallisut aallakaatitassiat

Avataaniit kalaallisut aallakaatitassiat tassaapput radiokkut TV-kkullu aallakaatitassiat nunatsinni TV-kkut radiokkullu aallakaatitassiortarfinnit allanit imaluunniit pilersuisartunit allanit nunatsinni najugaqartunit suliarineqarsimasut.

Kalaallisut aallakaatitassiani siusinnerusukkut ilanngunneqartarsimanngillat arlaatigut aallakaatitassiorsinnaasut allat suleqatigalugit tunisassiarineqarsimasut, naak aamma taakkua nunatsinni allanit suliarineqarsimasutut allanneqarsimasiaqaraluartut.

2016 aallarnerfigalugu nalunaarsuisarneq pitsaanerusoq ingerlanneqartalissaaq, tamatumani pingaarnersiunikkut takutinniarneqarsinnaassalluni aallakaatitassiat avataaniit imaluunniit nammineq suliaannersut. Taamatuttaaq sumut sammisuu-nersut takuneqarsinnaasunngorlugu (meeqqanut inuusuttunullu / eqqumiitsuliat kulturilu / Nutaarsiassat ullutsinnilu pisut, Ilinniartitsineq / Peqqissuseq).

KNR-ip siumut takorloorsinnaanngilaa qanoq nunatsinni aallakaatitassiortartut ukiuni aggersuni suliaminnik akeqartitsiniartassannersut, tamannami sumiiffinni radiotigut TV-kkullu aallakaatitassiortartut qanoq

isumaqatigiissuteqarfigineqarsinnaanissaat apeqqutaasassammat – ilaatigummi aallakaatitassiorfiit ataasiakkaat immikkut isumaqatigiinniarfigineqartariaqartarmata.

Taamaattumik allanit aallakaatitassiarineqartartut qanoq akeqarumaassannersut allannguuteqariataarssinnaapput. Aningaasaliissutaasunit KNR pisussaaffilerneqarpoq nunatsinni allanit radiokkut TV-kkullu aallakaatitassiarineqartartunut akisarsianullu minnerpaamik 12% atorneqarumaartut.

a) Radio:

Kingumut qiviraanni misilittakkat takutippaat 2014-mi nal. ak. 81-t atorneqarsimasut 2015-imilu nal.ak. 84-it.

KNR-imit aallakaatitassiarineqartartutuulli siunertarinqarpoq avataaniit pisiarisartakkat pitsaassutsimikkut qaffaallatsinneqarsinnaanissaat. Tamanna aallakaatitassiornermik ingerlataqartartunik qanimut suleqateqarnerulernikkut, ilanngullugu najugaqarfinni aallakaatitassiortarnerni ingerlatsiviit peqatigiiffiillu ataatsimoortillugu pikkorissartinneqartarnerisigut aqqutissiuuniarneqassalluni.

Avataaniit aallakaatitassiarineqartartut qulaani taaneqartuniit amerlanerujussuu-saraluarput, tassami ilarpassui KNR-ip suliarisimasaatut allanneqaannartarmata (assersuutigalugu KNR-ip illumik aallakaatitassiorfiusussamik atukkiisimatillugu), naak aallakaatitassiorartunit allanit suliarineqarsimagaluartut.

b) TV:

Kingumut qiviaallannikkut kisitsisit takutippaat TV-kut allanit aallakaatitassiarineqarsimasut 2014-imi nal.ak. 84-iusimasut.

2015-i aallartiffigalugu TV-kut aallakaatitassiorartarfiit suliarinnittartullu allat nunatsinneersut suleqatigineqarnerulersimapput. Suleqatigiinnerup annertusinerata kingunerissavaa allat aallakaatitassiaannik amerlanerusunik pisisariaqartalernissaq, pikkorissaanerni peqataatitsisarnissaq ilaatigut anguniarlugu suliarineqartut pitsaassutsimikkut qaffariaateqarnissaat.

5.2) KNR-ip nammineq aallakaatitassiorarnera katillugit

KNR-ip anguniartuarpa aallakaatitassiorarnermini pisariillisaaniartuarneq – tamannalu periarfissat iluanni anguniarneqartuartartoq.

Radio:

Naatsorsuutigineqarpoq suliarineqarluakkanik aallakaatitassiornerusalernissaq tamatumanilu KNR-imit toqqammavigineqarluni 2014-imi isiginnaartartunik naalaartunillu isumasiuisimaneq, taakkua ersersippaat pineqartut suut takorusullugillu naalaarusunneruneraat.

TV:

KNR-ip TV-kkut aallakaatitassiarisartagaasa amerlassusiinut tunngatillugu ilanngullugit isiginiarneqassapput nunatsinni allanit ingammillu sumiiffinni radiokkut TV-kkullu aallakaatitassiarineqarsimasut ilanngullugit. Naalakkersuisut tamatamani pingaartippaat KNR-ip aallakaatitassiorarnermini nunatsinni aallakaatitassiat atornerqarnerusalernissaat.

5.3) Nunatsinni aallakaatitassiat katillugit

Radiokkut nunatsinni aallakaatitassiat

Matumani pineqarput nunatsinni aallakaatitassiarineqartartut tamaasa isigalugit KNR-imit piffissami pineqartumi naalaagassiarineqarlutillu takutitassiarineqartartut. Tamatumani pineqarput KNR-ip nammineq akisussaaffigalugit imaluunniit nunatsinni aallakaatitassiorartut allat aallakaatitassiarisimasaat aammattaaq radiokkut aallakaatitassiat nunatsinni aallakaatitassiorartunit allanit suliarineqarsimasut, naak immikkut radiokkut aallakaatitassiorartuunngikkaluartunit.

Aallakaatitassiat nalunaaquttap akunnerininut immikkoortiterneqartarneranni ilanngullugit Meeqqanut aamma inuusuttunut, Eqqumiitsuliornermut aamma kulturimut, Nutaarsiassat ullutsinnilu pisut pillugit, Ilinniartitsinerneq Peqqissut-simullu tunngasunut aallakaatitassiat imatut isiginiarneqassapput, aallakaatitassiat ilaat tamatigit aalajangersimasunuinnaq sammiveqarneq ajormata. Taamaattumik aallakaatitassiat ilaat sammisanut assigiinngitsunut nalunaarsorneqarsinnaasarput missingiilluni procentinngorlugit agguataarinermi.

Taamatuttaaq pingaaruteqarpoq innuttaasut aallakaatitassianik tamatigoortunik, unamminartunik soqutiginaateqarluartunillu neqeroorfigineqartarnissaat, tamatumani toqqammaviginianeqassalluni nunatsinni kulturikkut inuiattullu pingaar-titavut qanoq ittuunersut.

Aammattaaq tassa KNR-imit aallakaatitassianit pingaarnersuinerneq eqqarsaatigisariaqarmagu ukiumoortumik iginnaartartunik aamma naalaartartunik isumasiuititsisarneq:

a) Meeqqanut inuusuttunullu aallakaatitassiat:

Meeqqanut inuusuttuaqqanullu aallakaatitassiat 1. januari 2016-imiit amerlisinneqarput.

b) Eqqumiitsuliornikkut kulturikkullu aallakaatitassiat:

Isiginnaartartunik naalaartartunillu 2014-mi isumasiuinerup takutippaa eqqumiitsuliornikkut kulturikkullu aallakaatitassiat soqutigineqarunnaariartorsimasut. Tamanna tunngavingalugu ukiuni tulliuttuni appariartortinneqassapput, akerlianilli nutaarsiassalerinerit ullutsinnilu pisut pillugit aallakaatitassiorarnerit amerliartortinneqassallutik. Taamaattorli eqqumiitsuliornikkut kulturikkullu aallakaatitassi-

ortarnerit aamma piffissami aggersumi procentinngorlugu qaffasinnerpaatut inis-sisimalluaannarumaarput.

Aallakaatitassiat ikinnerusut kisiannili pitsaassutsimikkut qaffasinnerusut eqqu-miitsuliornikkut kulturikkullu aallakaatitsisarnissani toqqammaviginiarneqassaaq. Ilaatigut tamatumani aamma nunatsinni kulturikkut ingerlatsisut allat suleqatigi-nerinerisigut aqutissiuussinikkut.

c) Timersorneq:

Naalakkersuisut kissaatigaat piffissami isumaqatigiissuteqarfiusumi nunatsinnit timersornermit timersuutinit annernit allakaatitassiat amerlanerunissaat.

d) Nutaarsiassanik ullutsinnilu pisunik aallakaatitassiortarnerit:

Ullutsinni pisunik aallakaatitassiortarnerit tassaapput aallakaatitassiat politikikkut inuiaqatigiillu ingerlanneqarnerannut pingaarutillit aallakaatinneqartarnerat, soor-lu nutaarsiassanut oqaaseqartitsinerit, nutaarsiassatigut ingerlatsinermi soquti-gineqartut imaluunniit politikikkut isummersornerni soqutigineqartut ullutsinni pisut aallakaatitassiarineqartarnerat.

KNR-imit naatsorsuutigineqarpoq nutaarsiassalerinermi ullutsinnilu pisuni sine-rissamit samminnittarnerni matumani aallakaatitassiarineqartartut amerliallassin-naajumaartut sinerissami peqatigiiffiit suleqatiginerunerisigut.

e) Ilinniartitsinerit:

Naalakkersuisut pissusissamisoortutut isigivaat KNR-ip innuttaasunik kiffartuus-sinissaminut pisussaaffeqarnermini annertunerusumik TV-kkut aallakaatitassi-ortarneq ilinniartitaaneq aallaavigalugu aallussinerulernissaa. Tassunga tunnga-tillugu aamma Naalakkersuisunit kissaatigineqarpoq annertunerusumik nalingin-naasuunerusumillu ilinniartitaanikkut periarfissaasinnaasut atorlugit ataqatigiis-saarinerusoqarnissaa. Tamatumani pineqarput aallakaatitassiat ilinniartitsissu-taasut aamma ilinnialernissamut kajumilersitsisinnaasut.

KNR-ip naatsorsuutigivaa 2016-imi nunatsinni ilinniarfiit annertunerumik suleqa-tigilernissaasa aallartinneqarnissaa aammalu Oqaasileriffiup suleqatigineruler-nissaa.

f) Aallakaatitassiat peqqissutsimut tunngasut:

Kisitsisini takusassiarineqartuni tunngavigineqarpoq Naalakkersuisut kissaatigi-saat KNR-ip innuttaasunik sullissinissaminut pisussaaffiata ataatsimoortup ilaa-tut annertunerusumik tapertaaffigissagaa nunami maani innuttaasut pinaveer-saartitsinermut aamma peqqissuunerulernissamut ilisimasaqarnerannik qulak-keerinneqataanissaq.

Tamatumani siunertarineqassaaq soorlu assersuutigalugit innuttaasut nammi-neerlutik nerisassanik inuusaaseqarnermullu tunngassuteqartunik inuup peqqis-suunissaanik aqputaasinnaasut sammineqarsinnaapput. Aallakaatitassiat aal-laaveqartinneqarsinnaapput suut ulorianaateqarsinnaasutut isigineqarsinnaasut aallaavigalugit, soorlu nerisaqarnermut, imigassamut, pujortartarnermut, aan-ngajaarniutitut tunngasut aamma pinngitsuisinnaalartarnernut allanut kiisalu nappaatinut tunngasut. Tamatumani aamma pineqarsinnaapput aallakaatitassiat soorlu kissaatiginngikkaluarlugu naartulersinnaanerit, eqqarsartaatsikkut nap-paatit, imminut toquttarnerit il.il. eqqarsaatigalugit.

Aallakaatitassiani siunertarineqassaaq innuttaasut peqqissuulluni inuunermik, naak ajornartorsiuteqaraluarluni inoorusussuseqarnermut aamma aaqqiagiin-ginnernik aaqqiisinaanermut sammisuusinnaapput, tamatumani siunertaralu-gu ulluinnarni iluarisimaarinninnerulernissaaq aamma atugarinnerulernissaaq.

Aallakaatitarineqartartut peqqinnerulluta inuusaaseqarnerulernissatsinnut sam-miveqartut nal. akunninngorlugit manna tikillugu annikissimapput aallakaatitassi-

ani assigiinngitsunut sammiveqarneq peqqutigalugu peqqinnerulernissamut aallakaatitassiat ilaatigut ilanngunneqanngitsoortarnerat pissutigalugu.

KNR-imit naatsorsuutigineqarpoq tamakku pillugit nalunaarsuisarnini annertusaavigineqarumaartoq, taamaasillunilu aallakaatitassiani assigiinngitsuni sammineqartarnerat takussutissiissutiginerulersinnaassallugu.

g) Danskisut aallakaatitassiat (imaluunniit nunani allamiut oqaasii)

Aalajangersagaq Radioqarnermut TV-qarnermullu inatsisip § 28, imm. 2, nr. 10 taavalu § 20 imm. 9 naapertorlugu ilanngunneqassaaq. Tamatumani pineqarnerupput aallakaatitassiat allanik oqaasilinnut kalaallisut oqaaseqanngitsunut sammisuunerusut. Imaluunniit kalaallisut aallakaatitassiat, allamiut oqaasiinut nutsikkat. Aalajangersagaq inatsimmi § 20 imm. 9 naapertorlugu ilanngussaavoq, tamatumani pineqarput allamiutut oqaasillit ikinnerussuteqartut.

Maluginiaqquneqassaaq danskisut radioaviisi tamatumani ilaasutut nalilerneqartussaamat, tassa imaanngitsoq immikkoortoq d-mi nutaarsiassat ullutsinnilu pisunik aallakaatitassiani ilaatinneqassasoq.

Nunatsinni TV-kkut aallakaatitassiarineqartartut

Immikkoortumi tassani pineqartut tassaapput nunatsinni TV-kkut aallakaatitassiarineqartartut tamarmik aammalu piffissami pineqartumi KNR-imit aallaakatitsisutigineqartut:

- aallakaatitassiat KNR-imit namminermit aallakaatitassiarineqarsimasut,
- aallakaatitassiat nunatsinni aallakaatitassiorfinnit allanit suliarineqarsimasut,
- aammalu aallakaatitassiat nunatsinni aallakaatitassiarineqarsimasut, naak pineqartut TV-kkut aallakaatitsiviunngikkaluartut.

KNR-imit isiginnaartartut naalaartartullu 2014-imi isumasiorneqarsimanerat maluginiagaqarsimavoq, tamatumani ilaatigut takuneqarsinnaavoq isiginnaartartut nutaarsiassat ullutsinnilu pisut pingaarnerpaatikkaat tulliullutik meeqqanut inuusuttunullu aallakaatitassiat.

Meeqqanut inuusuttunullu, Eqqumiitsuliornermut kulturimullu, Nutaarsiassat ullutsinnilu pisut, Ilinniartitsinerit Peqqissutsimullu nal. akunnerinik aallakaatinneqartarnerannut isiginiarneqassaaq, aallakaatitassiat ilaasa aallakaatitassioriaat-

sinut arlalinnut sammisuusinnaasernerat. Taamaattumik aallakaatitassiat ilaat immikkoortunut assigiinngitsunut procentilersuilluni nalimmassaarinikkut inissinneqartarsinnaallutik.

a) Meeqqanut inuusuttunullu aallakaatitassiat:

Kisitsimmi ilanngunneqarsimavoq inuusuttunut nipilersornikkut aallakaatitassiasartoq "Tusartaat". Tamatumani KNR nammineerluni aallakaatitassiap suliarineqarnerani ilaannikkuinnaq aqutsisuutitaqartarpoq. Taamaattumik KNR-imit ilisimaneqarpoq aallakaatitassiaq pitsanngortinneqarnissaasoq aallakaatitsinerit taamasa aallakaatitsinermik ingerlatsisoqartarneratigut. 2014-miit 2015-ip ingerlanerani aallakaatitassiat sanaarineqartartut, KNR-imi "Filmiliornermut aallakaatitassiorsinnaanermullu ilinniartut" aaqqissortagaasa appariaateqalaarsimannut aaqqissuussiniartut atugassarisaasa allanngorartarsimanerat tamatumani pequtaavoq.

Naalakkersuisut kissaatigivaat meeqqanut inuusuttunullu aallakaatitassiarineqartartut amerlanerulernissaat, tamatumani kissaatigalugu KNR-ip timitalerniartariaqaraa meeqqanut inuusuttunullu annertunerusumik saqqummersitsisarlutillu peqataatitsinerusalernissaq.

b) Eqqumiitsuliornikkut kulturikkullu aallakaatitassiornerit:

Naalakkersuisut kissaatiginartuutippaat piffissami isumaqatigiissuteqarfiusumi eqqumiitsuliornermut kulturimullu tunngasunik aallakaatitassiornerulernissaa, tamatumani pineqarlutik aallakaatitassiat aaqqissuisoqartitsilluni ilusilersukkat, pineqaratillu assersuutigalugu nipilersortunik videoliat.

c) Timersorneq:

Naalakkersuisut kissaatiginartippaat piffissami isumaqatigiissuteqarfiusumi nunatsinnit timersornermit timersuutinit annernit aallakaatitassiat amerlanerunissaat.

d) Nutaarsiassat ullutsinnilu pisut:

Aallakaatitassiat ullutsinni pisut imatut paasineqassapput nutaarsiassat politikkinut toqqaannartumik sammisut imaluunniit inuiaqatigiinnut pingaaruteqartut. Soorlu aallakaatitat nutaarsiassanut oqaaseqaateqartitsiffiusut, nutaarsiassat

ineriartornerat pillugit samminninnerit imaluunniit nutaarsiassanut politikikkut isummersuutit aammalu ullutsinni pisut.

Piffissami isumaqatigiissuteqarfiusumi KNR imminut pisussaattippoq ulluinnaat tamaasa nal. 18:00-ip aamma nal. 21:00-ip akornanni minnerpaamik nunatsinni suliarineqarsimasumik nutaarsiassat pillugit aallakaatitsisarnissaminut sivikinnerpaamik minutsinik 15-inik sivilissuseqartunik. Aasap ingerlanerani (22. juni Nunatta ulluata aqaguani aggustip qeqqata tungaanut) aamma juullip ukiortaallu akornanni taamaattorli nutaarsiassanik aallakaatitsinerit pingaarnertit sivikinnerusarsinnaallutik.

e) Ilinniartitsinerit:

Naalakkersuisut pissusissamisoortutut isigivaat KNR-ip innuttaasunut kiffartuus-sisussaattitaanini toqqammavigalugu annertunerusumik tv aqutigalugu ilinniar-titaanermut sammisunik aallakaatitassiornerusarnissaa. Tamatumani aamma Naalakkersuisut kissaatigivaat ilinniartitsinerimut tunngasut sammisassanut assi-giinngitsunut tunngatillugit sammiveqartinniarneqartarnissaat. Tamatumani pine-qarput ilinniartitsinerimi toqqaannarnerusumik sammivillit aammalu aallakaatitas-siat ilinnialernissamut kajumilersitsisinnaasut.

KNR-ip naatsorsuutigivaa nunatsinni ilinniarfinnik assigiinngitsunik 2016-ip ingerlanerani suleqateqarnerulerumaarluni.

Tamatuma saniatigut KNR-ip misissuiffigerusuppaa KNR2-p ilinniartitsinerimut sammiveqarnerusunut atorneqartalersinnaanissaa.

f) Aallakaatitassiat peqqissutsimut tunngasut:

Naalakkersuisut kissaatiginartippat piffissap isumaqatigiissuteqarfiusup ingerla-nerani aallakaatitassiat peqqissutsimut tunngasut utoqqaanernut sammisut amerlanerusut aallakaatinneqartarnissaat.

Tamatumani pineqartut imarisassaanut tunngatillugu takorloorneqarpoq siuller-mik immikkoortoq 5.3.f-mi taaneqarsimasut innersuussutigineqarput, tamatuma-ni peqqissutsimut sammiveqartut radiokkut aallakaatinneqartarsinnaanersut. Ta-matumani aamma pineqarsinnaapput TV-kkut aallakaatitassiat taamatumunnga tunngasut.

g) Allamiusut oqaasilinnut aallakaatitassiortarnerit:

Tamatumani pisussaaffilerneqarsimaneq radioqarnermut TV-qarnermullu inatsimmi § 28, imm. 2, nr. 10, tak. § 20, imm. 9-ni allassimasut tunngavigineqarput. Tamatumani aallakaatitassiat tasaanerullutik kalaallisut oqaatsitta saniatigut allamiusut oqaasilinnut sammiveqarlutik aallakaatitassiat. Imaluunniit kalaallisut aallakaatitassiat allamiusut oqaasertalersorneqarsimasut. Tamatumani pineqarput inatsimmi § 20, imm. 9-mi aalajangersakkat, tassami tassuuna naqissusiivigineqarsimammat allamiusut oqaasilinnut sammiveqartunik aamma aallakaatitassiortoqartarnissaa.

Kisitsimmi tassani aallakaatitassiat nutserneqarsimasut ilanngunneqanngillat. Takuuk immikkoortoq h)

h) Aallakaatitassiat danskisut oqaasertalersukkat imaluunniit allamiut allat oqaasiinut oqaasertalersukkat.

Kalaallisut aallakaatinneqartartunut allamiusut oqaasilinnut sammiveqartillugit aallakaatitassiortarnerit immikkoortinniarnanni, immikkut oqaasertalersuilluni aallakaatitassiarineqartartut matumani immikkoortillugit ilanngunneqarsimapput.

Maluginiaqquneqassaaq danskisut radioaviseqartitsisarneq matumani ilanngunneqarsimammat, akerlianilli aallakaatitassiani nutaarsiassalerinermut ullutsinnilu pisunut sammisuni c-miittunut ilanngunneqarsimassanatik.

Tassunga tunngatillugu maluginiaqquneqassaaq assersuutigalugu Qanorup danskisut oqaasertalersorlugu aallakaatitassiarineqartarnera immikkoortumi matumani ilanngunneqartussaammat, taamaattumillu imm. d-mi nutaarsiassat ullutsinnilu pisut aallakaatinneqartarnerannut ilanngunneqartassanatik.

Naalackersuisut KNR-illu isumaqatigiissutigisimavaat massakkut aaqqissuussisarneq – tassalu Qanorup danskisut allagartalersorlugu aallakaatitassiarineqartarnera ingerlatiinnarneqassasoq. Taamatuttaaq aamma qulakkeerniarneqassaaq tamanut soqutiginaateqarlutik aallakaatitassiarineqarsimasut danskisut nassuiaasersorlugit pisariaqassappat kingusinnerusukkat aallakaatinneqartassasut.

Tamatuma saniatigut anguniarneqarpoq kalaallisut aallakaatitassiat amerlanerut danskisut oqaasertalersorlugit aallakaatinneqartartut amerlisarniarneqarnissaat.

5.4-5.5) Radiokkut TV-kkullu aallakaatitassiat tamakkiisumik isigalugit

Immikkoortut marluk matumani pineqartut tassaapput KNR-ip radiokkut TV-kkullu aallakaatitassiarisartagai tamakkerlugit. Kisitsisit taaneqartut tassaapput aallakaatitassiat Nunatsinni suliarineqarsimasut, tamatumani aamma ilanngulugit aallakaateqqitat il.il., taamatullu aamma pineqarlutik aallakaatitassiat nunanit allanit suliarineqarsimasut. Tassunga tunngatillugu ilanngunneqassaaq matumani isumaqatigiisummi pineqanngimmata nunanit allanit aallakaatitassiarineqarsimasut qanoq amerlassuseqartiginissaanut tunngatillugu aalajangersaasoqarnikuusimanngimmat.

6. Internetikkut kiffartuussineq

KNR-ip internetikkut nittartagaa knr.gl atuisunut immikkoortunut pingaarnernut sisamanut agguarneqarpoq; nutaarsiassanut iserfissaq, TV-mut immikkoortoq video toqqaannartoq (video on-demand) ilanngullugu aammattaaq atuisut namminneq immersorsinnaasaat, soorlu assersuutigalugu knr.gl-imi assiisivik annertoq.

KNR-ip nutaarsiassaqaqtitsivia ullut tamaasa nutaarsiassanik allaaserisanik imaqaarpoq (2015 tikillugu toqqorsivimmi ujarlerfigineqarsinnaasut allaaserisat 90.000-it missaanniittut), Qanorooq nutaanerpaaq, radioaviisi nutaanerpaaq ullormut pingasoriarluni aammattaaq taakkununnga attuumassutillit toqqorsiviit on-demand video aamma audio.

TV-mut immikkoortoq ulloq unnuarlu aallakaatitsiviuvoq tassani aammattaaq neqeroortigineqarput videot tusindit arlallit pisariaqarfiatigut takuneqarsinnaasut, tassa TV-mut toqqorsivimmi annertusiartuinnartumi aammattaaq paasisstissat aamma aallakaatitassianut ataasiakkaanut attaveqarfissat aaqqissuisuinnullu.

Radiomut immikkoortoq radiomik toqqaannarmik aallakaatitsiviuvoq tassani aammattaaq neqeroortigineqarput aallakkatitassiat tusindit arlallit pisiariaqarfi-

atigut naalaarneqarsinnaasut, tassa radiomut toqqorsivimmi annertusiartuinnarumi aammattaaq paasissutissat aamma aallakaatitassianut ataasiakkaanut attaveqarfissat aaqqissuisuinullu.

KNR.gl-imi paasissutissanik pilersuinerup saniatigut KNR inuit imminnut attaveqaateqarfiini peqataavoq, makkunani: YouTube, SoundCloud, Facebook, Twitter, Google+ aamma LinkedIn.

KNR-ip YouTube aqqutigalugu ilanngussisarneranut apeqqutaatinneqartarpoq ilumut KNR aallakaatitassianik piginnittuunera qulakkeerneqarsimasuunersoq, tak. piginneqqaartuunermut inatsit tunngavigalugu.

Isumaqatigiissutigineqarpoq KNR-ip piffissami isumaqatigiissuteqarfiusumi KNR-ip nittartagaa aqqutigalugu nutaarsiassanik siammarterisarneq maannakkut atuuttoq ingerlateqqiinnarneqassasoqinnuttaasut soqutiginnittut KNR-imit piumasaaqatigineqartut naapertorlugit nutaarsiassat assigiinngitsut oqaaseqarfigineqarsinnaasassasut. Taamaasiornikkut qulakkeerniarneqassaaq innuttaasut assigiinngisitaartunik isumaqarlutik sammiveqartarnerat aallaavigalugu attaveqatigiittoqarsinnaasarnissaa.

KNR-ip sammivinni assigiinngitsuni soorlu nutaarsiassanik, aallakaatitassiariniarneqartunik, meeqqanut inuusuttunullu sammiveqartunik, isiginnaartartunut kiffartuussinernik, naalaartartunik kiffartuusisarnerni, nipinik allattukkanillu ineriartortisineq ingerlateqqiinnassavaa. Siaruarterneqartut aammalu aallerfigineqarsinnaasut eqqarsaatigalugit tamatumani apeqqutaatinneqartassaaq ilumut KNR-ip taamaasiornissaminut aporfissaqarsimannginnersoq, tak. piginneqqaartuunermut inatsit.

KNR-ip radiokkut TV-kkullu aallakaatitassiariniarneqartut internetti atorlugu siaruarterniartassagaluaruni, tamanna KNR-imut akisoorujussuusinnaavoq.

7. Pitsaassutsimik piorsaaneq

Isumaqatigiissutigineqarpoq KNR-ip minnerpaamik ukiumut ataasiarluni KNR-ip aallakaatitassiarisartagaasa pitsaassusaannik nalilersuissassasoq. Tamanna pisassaaq isiginnaartartut, tusarnaartartut allallu atuisartut KNR-ip aallakaatitas-

siarisartagaannut misigisartagaat iluarinninnerannullu pillugit isumasiuisarnikkut. Misissuititsinerit ingerlanneqartassapput innuttaasut isumaannik maluginiagaannillu isumasiuisarnikkut. Misissuisarnerit tamakku atorneqartassapput KNR-ip radiokkut TV-kkullu aallakaatitassiarisartagaannik innuttaasut atuisarnerinik isumaannillu isumasiuinikkut, taamatutaaq aallakaatitassiat qanoq isummersorfigineqarnersut naatsorsuutigineqarnersullu uuttortarnerisigut siunissami suut aallakaatitassiarineqartarneqassanersut isumassarsiorfigineqarsinnaasassallutik.

Pitsaassutsimik uuttortaanerit imatut ingerlanneqartussaapput minnerpaamik nalilersuiffigineqartussaallutik innuttaasut ilumut iluarinninersut KNR-ip aallakaatitassiaanik kiffartuussissutaanillu kiisalu neriuuteqalersitsisarnerannik atuisutullu aalajaassusaannik nalilersuisarnerit aallaavigalugit uuttortaaarnikkut. Pitsaassutsimik nalilersuisarnerni uuttortaanerni atorneqartartut imatut iluaqutiginiarneqartussaapput taakkua isumaqatigiissutip matuma kingunerisaanik ingerlaaseqarsimanermut nalilersuinissani atorneqarsinnaasassallutik.

8. Ileqqorissaarnermi mianerisassat

KNR-imik innuttaasunut kiffartuussinissamut isumaqatigiissuteqarnermi toqqammaviullunilu aalajangiisuuvoq kiffaanngissuseqarneq toqqammavigalugu oqariartuuteqarlunilu paasisitsiniaasinnaajuarnissaq. Tamatumani aallaaviussapput inatsisitigut tamakkununnga tunngatillugu toqqammaviusut, tassami innuttaasoq kinaluunniit nammineq inuunerminut akisussaasuuvoq tamatumanilu oqimaalutarneqartariaqarluni inuiaqatigiinni soqutigineqartut avammut saqqummiunneqarsinnaallutillu qulaajaaffigineqarsinnaasarnissaat.

KNR-ip tamatumunnga tapiliullugu oqimaalutartuartaartussaavaa innuttaasup inuiaqatigiillu tamarniusut pisinnaatitaaffii, tassami paasisutissiisarnerni nutaarsiassalerisarnernilu innuttaasut ataasiakkaarlutik inuiaqatigiinnut akisussaaffeqarnerat oqimaalutarneqarsinnaajuartariaqarmat. Tamatumunnga tunngatillugu KNR-ip maluginiartussaavaa aallakaatitassiornaveersaartoqaqqullugu innuttaasuni ukiukinnerusut timikkut, eqqarsartaasikkut tarnikkullu ineriartornerannut innarliisinnaasoqarnissaa ilimanaateqarsinnaasimassappat. Tamatumunnga ilaapput atoqatigiinnernut tunngasut (pornografi) aammalu pisuussuteqanngitsunik annersaasarnerit. KNR tamatumani namminerisaminik najoqqutassius-

saaq pissuserissaarnissamut tunngavigineqartussanik, taakkulu KNR-ip nittartagaani takuneqarsinnaanngorlugit ivertinneqarsimassapput.

9. Qarasaasiakkut toqqorterinerit

KNR-ip suliniutigilersimavaa aallakaatitassiaasarsimasut digitalikkut toqqorterneqarnissaat, taamaasiornikkullu kinguaassatta tamakkuningga takunnissallutik tusarnaassallutilluunniit periarfissaqartuarnissaat aqutissiuukkumallugu. Siunertaavoq innuttaasut toqqortanit qarasaasiakkut atuinissamut periarfissinneqarsinnaanissaat, tamatumanili killiliisuussallutik inatsisitigut periarfissat killiliinerat tamatumani ilanngullugu piginnittusnaanermut inatsisitigut aalajangersakkat. Aningaasaqarnikkut periarfissat killeqartarmata tamanna ataavartumik ingerlanneqartanngilaq, tamakkuninngalu suliaqarnissamut piginnaasallit piffissaqarne-rat apeqqutaatillugu ingerlanneqartarlutik.

Radio TV-kkullu aallakaatitassiortarnerni tamakkiisumik piaartumillu digitaliseeriisinnaaneq immi akisoorujussuusussaavoq, tamatumanilu immikkut aningaasaliisoqarnissaa pisariaqassalluni.

10. Upalungaarsimaneq

Radioqarnermut TV-qarnermullu inatsimmi § 16 imm. 1 naapertorlugi, KNR pisussaaffeqarpoq upalungaarsimanissamut pingaarutilinnik innuttaasunut nalunaarutinik aallakaatitsisarnissaminik.

11. Isumaqatigiissutip eqqortinneqarnera

Ukiup siuliani nunatsinni isiginnaartartunik naalaartartunillu aallakaatitsisarsimanini KNR-i qanoq naammassinninniarsimanersoq nassuiaasoqartassaaq (tak. radioqarnermut TV-qarnermullu inatsimmi § 28, imm. 6). Nassuiaateqarneq kalaallisuunngorlugi danskisuunngorlugulu kingusinnerpaamik Naalakkersuisoqarfimmut pineqartunik oqartussaassuseqartumut 1. aprili nallertinnagu oqartussaasut naliliisinnaanissaat siunertaralugu nassiunneqartassaaq. Tamatuma kingorna nalunaarusiaq KNR-ip nittartagaatigut avammut saqqummiunneqassaaq.

Paasissutissat makkua isumaqatigiissutip matuma atuuffiani ukiumoortumik nalunaarusiortarnerni ilaatinneqartassapput:

- 1) Aallakaatitassiat nunatsinni allanit suliarineqarsimasut qanoq annertutigisut radiokkut TV-kkullu aallakaatitassiarineqarsimanersut.
- 2) KNR-ip nammineq aallakaatitassiarisimasai qanoq annertutigisimanersut, radio TV-lu immikkoortillugit.
- 3) Radiokkut TV-kkullu nunatsinni aallakaatitassiarineqarsimasut makkununga sammisut qanoq annertutigisimanersut:
 - a) Nutaarsiassat ullutsinnilu pisut pillugit aallakaatitassiat
 - b) Eqqumiitsuliornikkut kulturikkullu aallakaatitassiat
 - c) Meeqqanut inuusuttunullu aallakaatitassiat
 - d) Ilinniartitsinikkut aallakaatitassiat
 - e) Aallakaatitassiat allamiusut oqaasilinnut sammitinneqartut.
 - f) Peqqinnissamut tunngasut.
- 4) Nunatsinni aallakaatitassiarineqarsimasut makkununga tunngasut:
 - a) Nutaarsiassat ullutsinnilu pisut pillugit aallakaatitassiat
 - b) Eqqumiitsuliornermut kulturimullu tunngasut
 - c) Meeqqanut inuusuttunullu aallakaatitassiat
 - d) Ilinniartitsinikkut aallakaatitassiat
 - e) Aallakaatitassiat allamiusut oqaasilinnut sammitinneqartut
 - f) Peqqinnissakkut aallakaatitassiat.

Qulaani taaneqartut aallakaatitassiat pineqartut tassaapput KNR-imi radiokkut TV-kkulluunniit aallakaatitassiarineqarsimasut.

Aallakaatitsisarnerni toqqammavigineqartut allannguuteqangaatsiartinneqarsimappata tamatumanilu Naalakkersuisoqarfik KNR-imut oqartussaassuseqartup nassuiaateqarfigineqarnissani kissaatigisimappagu, KNR-ip nassuiaassutigissavai innuttaasunut kiffartuussinissamut isumaqatigiissutimut tunngatillugu tikkuarneqartut allat qanorpiaq naammassiniarneqarsimanersut.

Kukkunersiuisussatut akuerineqarsimasup misissuiffigissavai ilumut naatsorsuutitigut suliarineqarsimasut naapertorlugit innuttaasunik kiffartuussinissamut pi-sussaaffit pillugit nassuiaassutigineqarsimasut naapertuuttuunersut, aammalu paasissutissat pineqartut takussutissaqartinneqarlutillu kisitsisitigut naapertuutumik suliarineqarsimallutillu tutsuiginassuseqarnersut.

12. Isumaqatigiissuteqarfiup iluani immikkut pisut pillugit

Radiokkut TV-kkullu aallakaatitsisarnerni kisitsisit minnerpaaffissaattut taaneqartuni ilanngunneqarsimangillat (imm. 5) immikkut ittumik pisoqartillugu immikkut aallakaatitassioartarnerit. Tassaniami pineqarput kisitsisit ukiuni nalinginnaasuunerusuni katersorneqarsimasut, taakkumi toqqammavigalugit kiffartuussinissamik isumaqatigiissutip aningaasalersorneqarnissaa aalajangiiffigineqartarmat.

Taamaattorli piffissami aggersumi immikkut pisussat makku aammalu aallakaatitassioartarnemut sunniuteqartussat sunniuteqareersimasulluunnit taaneqarsinnaapput:

Ukioq 2016

KNR-ip Atuisunut Siunnersuisoqatigiivi nutaat atuutilerneqaqqammerput ilusisartik suliasatillu inississallugit.

Arctic Winter Games (AWG) ingerlanneqarpoq 6. – 11. marsi 2016. AWG immikkut sammineqarnissaa piunasaqaateqartitsisimavoq, KNR-imiillu AWG-mit toqqaannartumik TV-kkut aallakaatitassioartoqarluni ammaanersiorneqarnera matuneqarneralu. Katuami kulturikkut pisut aammalu ullormut timersuut minnerpaamik ataaseq toqqaannartumik aallakaatinneqartassapput. Tamatuma sania-tigut unnuit tamaasa studiatigut ullormi pisimasut eqikkarlugit oqaluuseritineqartarsimalluni. Radio eqqarsaatigalugu KNR-i ullaat tamaasa toqqaannartumik aallakaatitassioartarsimavoq, aammalu ullut tamaasa timersuut ataaseq toqqaannartumik aallakaatitassiarisarsimallugu. Nittartakkatigut ullut tamaasa pisimasut assigiinngitsut eqikkarlugit nassuiaateqarfigineqartarsimapput. KNR-ip AWG-mit aallakaatitsinera nersualaarneqarluarpoq kingusinnerusukkullu misissuinerit takutippaat innuttaasut AWG-mit naammagisimaarinnilluartut tassaammata KNR-ikkut malinnaasimasut.

Ukioq 2017

Kommunalbestyrelsinut qinersineq

Naatsorsuutigineqartariaqarpoq siusinnerusukkut kommunalbestyrelsinut qinersisarsimanerit naapertorlugit taamanikkussamut pisussat radio TV-lu atorlugit

aallakaatitassiarineqangaatsiarumaarmata. Tamanna pissaaq qinersinissaq sioq-qullugu aammalu qinersinerup unnukkuani.

Ukioq 2018

Inatsisartunut qinersineq

Naatsorsuutigineqartariaqarpoq siornatigutut Inatsisartunut qinersisoqartillugu radiokkut aamma TV-kkut annertuumik aallakaatitsisoqartarnissaa. Qinersinissap qanilliarturnerani aamma qinersinermi kiisalu qinersinerup unnukkuani.

13. Atuuffissaa

Isumaqatigiissut manna atuuttussaavoq 1. januaari 2015-imiit 31. decembari 2018 tikillugu (tak. radioqarnermut TV-qarnermullu inatsimmi § 57).

Piffissap ingerlanerani isumaqatigiissummi allannguutit KNR-ip aamma Naalakkersuisut akornanni isumaqatigiissutigineqarsinnaapput. Isumaqatigiinniartoqaq-qinnissaa qaammatit 6-t sioqqutsisumik immikkullu pisut sunik toqqammaveqarnerisut ilanngullugit nassuiaatitallerlugit kallerriutigineqartassallutik.

Nuuk, ulloq 14. juni 2016.



Nukaraq Eugenius

KNR-ip siulersuisuni siulittaasoq



Nivi Olsen

Kultureqarnermut Naalakkersuisoq